

故闕特勒碑

彼蒼者天罔不覆幬天人相合寰宇大同以其氣隔陰陽是用各為君長御君長者本

之裔

裔也首自中國雄飛北荒來朝甘泉籲保光祿則恩好之深舊矣洎

我高祖肇興皇業太宗

之遂荒帝載文教施於八方武功成於一德彼蒼變故相革榮號迭稱終能代伏臣一體率修邊貢

爰逮朕躬結為父子使寇患不作弓矢載囊爾無我虞我無爾詐邊鄙之不

之賴歟君

諱闕特勒骨吐祿可汗之次子今必加可汗之命弟也孝友聞於遠方威德懾於殊域斯豈由伊

故闕特

勤之碑

曾祖伊地米駝旬積厚德於上而身克終之祖骨吐祿頡斤行深仁於下而子順述之不然何以

生此賢也故能承順友愛輔成規略北處眩雷之境西隣處月之郊尊棠梨之遺澤受屠耆之寵

任以親我有唐也我用是嘉爾誠績大開恩信而遙圖不騫促景俄盡永言悼惜疼於朕心且特

勒可汗之弟也可汗猶朕之子也父子之義既在教崇兄弟之親得無連類俱為子焉而再感深

情是用故摹作豐碑發揮遐域使千古之下休光日新詞曰

沙塞之國丁零之鄉雄武鬱起于爾先王爾君克長載赫殊方爾道克順謀親我唐孰謂若人罔

保延長高碑山立垂裕無疆

大唐開元廿年歲次壬申十二月辛丑朔七日丁未書建